

Worrede.

aufflegen zu lassen / welches ich also zugesehehen bey
 mir nicht vnbilllich erachtet / vnd ferner meiner einfalt
 nach / auch diß bey mir betrachtet / weil er zu vnter-
 schiedlichen jaren / in die Palmarum von diesem loco ;
 DE COENA DOMINI, wie auch allhier in Preus-
 sen gebreuchlich / außbündige / schöne vnd treffliche
 Lehren vnd Predigten gethan / vnd alles daruon zu
 tractiren in einer Predigt / sich nicht hat wollen thun
 lassen / vnd in seiner Liberer / vnd insonderheit ge-
 schriebenen Materien noch sechs Predigten von die-
 sem hohen vnd fürnemen vnser Christlichen Glaus-
 bens articulo, Vnd dann auch was von dem festo
 Corporis Christi, welches im Bapsthumb das Fest
 des heiligen Fronleichnamis genennet wird / eine Pre-
 digt / welche dieser Materien de Coena Domini mit
 anhengig ist / zu halten sey / gefunden / das dieselben
 nunmehr zusammen / vnd zugleich in ein Tractätlein
 verfasset / vnd öffentlich in Druck verfertiget wür-
 den: In betrachtung / das anfänglich die erste Pre-
 digt / wie oben gedacht / nicht allein Höchsfürstlicher
 vnd seligster gedechtnuß / vber diesen Articul / vnd
 der ganzen reinen Augspurgischen Confession ganz
 eyferigem vnd beständigem Fürsten vnd Herrn wol-
 gefellig / sondern auch andern fürnemen vnd gelahr-
 ten / wie auch gemeinen Personen / annemig gewes-
 sen / Vnd nu hoffentlich / in dem die andern Predig-
 ten darzu kommen / E. E. F. F. D. D. vnd viel from-